

Das Arzdorfer Lied (neugetextet: Peter Linke 2012)

Die Harmonie bej oos em Dörp woar selde esu jruuß.

Un weil mier all et schwer höck hann, es dat ne jruuße Truus.

Jemeensam droan mier Soaresch un Leed un deelen och dat Jlöck,
dröm maache mier oos höck am Daach noch lang noch net verröck.

Refrain: Mier trotzen jedem Missjeschick un nämme janix kromm.

Bej oos es jede nöije Daach am Ovend iersch erömm.

Doch wejnk oos ens en jruuße Freud, dann hüüre mier net op.

Et widd jefiert bes en de Naach, janz Aazdörp steht dann Kopp.

Et widd jefiert bes en de Naach, janz Aazdörp steht dann Kopp.

Häss du füert Auto kee Pensin, kee Jeld füer Bus un Bahn,

dann maach dech doch zofooß op jang, du küss bestimmp ooch aan.

Dänn bruchs de ooch drej Stond on mie, die Fööß doon net mie met,
suvell Natur un Sauerstoff krete em Auto net.

Refrain: Mier trotzen...

Dat Levve höck, dat es nu doch e janz verdräates Speell.

Wer sech veell ploach un doabey och noch vüraan komme weell,

dä moss, wie dat vüür hondert Joar at janz genau suu woar,

doabey e besje Spass ooch han, dann sitt hä wedder kloar.

Refrain: Mier trotzen...

Un küss de en de Joore dann, un deht de annz jet wieh,

de Ärme sen ze kuuert un ooch dä Brill dä dooch nix mieh.

Du hüers mem linke Been net joot, ne Marathon fällt schwäer,
dann nämm et hin un jläuv doaran, du bess e Kend vom Häer.

Refrain: Mier trotzen...

Ovv mer nu küümp un ovv mer klaach, dat Levve dat es suu,

die Zick die bliev doch niemols stonn und jeht erömm em Nuu.

Doch wänn ma meent, die Dür wör zoo, dann jeht en nöije op.

Un mänehmols lööf, ovv met nu jläuv, en Baach ooch berjerop.

Refrain: Mier trotzen...

Söökt iehr drömm ene Funke Freud, dann packt ööch en de Ärm,
dann widd ööch baal vüür lutter Jlöck em Hätze richtisch wärm.

Drömm doot doch met un sengt met oos, denn dat es oose Plan,
mier sen un blieve, wat ooch kütt, de Minsche nevvanaan.

Refrain: Mier trotzen...